


www.BibleForChildren.org


Machyu 8



Too dayz afta dat, dehn mi ga wahn wedn da Kayna,
weh deh eena Gyalilee. Jeezas ma mi dehdeh,
ahn Jeezas ahn ih disaipl dehn mi geh invaitid
tu di wedn tu.



Wen aala di wain mi don, Jeezas ma gaahn gaahn tel
ahn seh, "Dehn noh ga nohmoh wain." Ih ma gaahn hed
eniway ahn tel di servant dehn seh, "Eniting weh
Jeezas tel unu fi du, unu du it."



Jeezas tel di servant dehn, "Ful op di kantayna dehn wid waata." Soh dehn ful op di kantayna dehn rait op tu di rim. Den ih tel dehn seh, "Dip op som a di waata ahn kehr it da di man weh in chaaj a evriting ya." Soh dehn kehr di waata tu ahn, ahn ih tays it.



Bai da taim deh, di waata mi don ton tu wain aredi.
Laik how da mi di servant dehn weh mi ful op di
kantayna dehn wid waata,
dehn mi don noa weh di
wain kohn fram, bot di
man in chaaj neva noa.



Soh ih kaal di groom, ahn ih seh tu ahn, "Yoozhwali
peepl wuda serv dehn bes wain fos. Den wen evribadi
don jrink wahn lat aredi,
dat da wen dehn wuda
bring owt di cheep
wain. Bot yoo neva
du dat. Yoo lef di
bes wain til laas."





Dis mirakl weh Jeezas mi du da Kayna
eena Gyalilee da-mi di fos mirakl
weh ih mi eva du. Da rait
dehsoh dehn mi si how
wandaful hihn wandaful;
da den ih disaipl dehn
geh fi bileev eena ahn.



Wen Jeezas gaahn da Peeta hows, ih fain
dat Peeta mada-in-laa mi sik eena bed
wid wahn feevea.



Jeezas toch ih han, ahn di feeve gaan; den di laydi
get op ahn staat tu ten tu ahn.




Bai di taim daak set een da eevnin, peepl bring aala
dehn wan weh mi sik ahn ga deeman tu Jeezas.

Ih mi luk laik di hoal
tong mi gyada owtsaid
di luk aan.



Soh Jeezas heel wahn lata peepl weh mi ga lata
difrent kaina dizeez, ahn ih jraiv owt lata deeman
owta peepl tu. Bot ih wudn alow di deeman dehn fi
seh notn bikaa dehn mi wel ahn noa da hoo hihn.



Evribadi eena di krowd mi-di chrai toch ahn kaa powa
mi-di kom owta ahn weh mi-di heel aala dehn.




Soh moch peepl mi pak op eena di hows dat no spays
neva deh fi hoal evribadi, noh eevn fronta di doa.
Jeezas mi-di preech di Gud Nyooz tu dehn wen sohn
man kohn ahn bring wahn paralaiz man tu ahn; foa a
dehn mi-di bak ahn pahn wahn schrecha, ...



... bot dehn kudn reech Jeezas
sayka di krowd. Soh dehn gaan op ahn
mek wahn hoal eena di howstap rait
oava wichpaa Jeezas mi-di
stan op, ahn wen di hoal mi
big nof, dehn loar di
man dong pahn
di schrecha.




Dehn loar wahn
paralaiz man chroo
wahn roof tu Jeezas.



Wen Jeezas si humoch fayt dehn mi ga eena ahn,
ih seh tu di paralaiiz man,
"Son, Ah fagiv yu sin
dehn." "Pik op yu
schrecha ahn
goh hoahn."




Den Jeezas get eena wahn boat ahn ih disaipl dehn
gaahn lang wid ahn. Sodn-wan wahn
bad skwaal kohn pahn di lagoon
ahn di wayv dehn geh soh hai
dat dehn mi-di wash
oava di boat.



Bot Jeezas mi deh faas asleep. Soh ih disaipl
dehn gaahn gaahn wayk ahn op.
Dehn seh, "Laad, sayv wi noh!
Wi di luk fi jrongdid ya!"



Jeezas ansa dehn seh, "Da weh mek unu soh fraitn?
Unu fayt leel, sa!" Den ih get op ahn taak shaap-wan
tu di breez ahn di wayv dehn ahn evriting geh kyaam
kyaam. Di disaipl dehn kudn bileev dehn aiy
ahn dehn seh tu wan anada,
"Da weh kaina man dis?
Dong tu di breez ahn
di waata obay hihn!"



Yu si, Gaad lov di peepl dehn eena dis
werl soh moch dat ih giv op ih wan ahn
oanli Son fi dehn, soh dat enibadi weh
put dehn fayt eena ahn wahn neva
ded; insteda dat, dehn wahn
liv wid Gaad fareva.



Roamanz 3:23 Evribadi don sin, ahn notn noh deh weh
gud nof fi dehn du fi meja op tu Gaad gloari.

Roamanz 6:23 Kaa di pay weh sin gi wi da det, bot di gif
weh Gaad di gi wi da laif weh laas fareva ahn eva, ahn ih
free. Dat da di laif weh wi get wen wi kohn fi bee wan
wid Kraiz Jeezas wi Laad.

Heebrooz 9:27 Ahn jos laik how evribadi haftu ded
wan taim, ahn den afta dat dehn haftu goh fronta
Gaad fi geh joj,

Ifeezhanz 2:8,9 Wen Gaad sayv unu, da bikaaz a fi hihn
grays, ahn bikaaz a di fayt weh ih gi unu fi chros eena
ahn. Dis noh ga notn fi du wid yoo ahn weh yoo ku du.
Soh den, unu noh ga notn fi boas bowt, kaa notn
deh weh unu kud du fi sayv unuself.



Roamanz 10:9,10 Kaa if yu seh wid yu oan mowt dat Jeezas da di Laad, ahn if yu bileev eena yu haat dat Gaad rayz ahn op fahn di ded, den Gaad wahn sayv yu. Kaa wen wi bileev eena Jeezas eena wi haat, Gaad mek evriting rait bitween wee ahn hihn. Ahn wen wi seh wid wi mowt dat wi bileev eena Jeezas, Gaad sayv wi.

Jan 3:16,17 Yu si, Gaad lov di peepl dehn eena dis werl soh moch dat ih giv op ih wan ahn oanli Son fi dehn, soh dat enibadi weh put dehn fayt eena ahn wahn neva ded; insteda dat, dehn wahn liv wid Gaad fareva. Gaad neva sen ih Son eena di werl fi kandem peepl, bot ih sen ahn fi sayv dehn.



1 Jan 5:11-13 Ahn dis da weh Gaad mi seh:
Hihn gi wi laif weh wahn neva en, ahn da
laif deh eena ih Son.

Enibadi weh ga di Son ga laif, ahn enibadi
weh noh ga di Son a Gaad noh ga laif.
Ah di rait dehnya tingz tu unu weh bileev eena di
naym a di Son a Gaad, soh dat unu ku noa dat unu
ga laif weh wahn neva en.



Machyu 8-9; Maak 1-2, 4; Look 4, 8; Jan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Belize Kriol English Bible (bjz) © 2012, Wycliffe Bible
Translators, Inc. All rights reserved.

<https://live.bible.is/bible/BZJBSW/MAT/1>

©2026 Bible for Children, Inc.

www.M1914.org

www.bibleforchildren.org

